

## **Fat bun illa sezzüda dals 23 marz 2009**

### **Protocol da la sezzüda dal Cussagl cumünal da lündeschdi, 9 marz 2009, a las 20.00, acta 10**

Preschaints: Jon Carl Rauch; Chasper Alexander Felix,  
Marianne Werro-Lehmann e Jachen Andri Schmidt

Rico Zini (protocol)

S-chüsà: Georg Salomon

### **Tractandas:**

#### **75. Protocol**

Il Cussagl cumünal approva il protocol da la sezzüda dals 2 marz 2009, acta 9.

Protocol

#### **76. Orientaziuns**

##### **1. Allianza da las Alps**

Il capo orientescha sur da la sezzüda cul cusgliader da l'Allianza da las Alps, sar Peter Niederer, chi'd es successur dar sar Jöri Schwärzel, insembel culs cumüns da Tschlin ed Ardez. In quista sezzüda as haja decis dad organisar üna conferenza d'avegnir, suot la bachetta dals trais cumüns, sül nivel regiunal. La dieta varà lö d'instà.

Orientaziuns

##### **2. Planisaziun cumünala**

Il schef da fabrica orientescha sur da la sezzüda a regard la planisaziun cumünala chi ha gnü lö a Cuaira. I's ha discutà manüdamain sur da differents temas. Tanter oter as prouva amo üna jada da persvader ad ün dals proprietataris chi saja per tuots duos partidas la megltra soluziun d'eriger üna zona per indigens a Flüs.

La part chi pertocca l'adattamaint da la planisaziun totala as faja quint d'avair suot tet per la fin da l'on. Per la part da la problematica da las 2. abitaziuns as prova da chattar ün model radschunaivel per tuot las partidas.

#### **77. Permiss da fabrica – STWEG Sala 119 - Fouras geotermicas – Sala 119**

Sün dumonda da la STWEG Sala 119 decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inhascha üna taxa da trattamaint da fr. 100.--.

Permiss da fabrica  
STWEG Sala 119,  
fouras eotermicas

#### **78. Permiss da fabrica – Cumün da Sent – Tet per containers – Saranschasch 241**

Sün dumonda dal Cumün da Sent decida il Cussagl cumünal da dar il permiss per realisar ün tet per containers a Saranschasch (chasa da scoula) cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inhascha üna taxa da trattamaint da fr. 50.-- (scumpart intern).

Permiss da fabrica  
Cumün da Sent,  
tet per containers,  
Saranschasch 241

#### **80. Cumprita purtret – Courins per Sent**

Illa Grotta da Cultura d'eiran miss oura purtrets da sar Werner Schmidt. L'artist dumonda scha'l cumün füss interessà da comprar ün o plüs purtrets (à fr. 2'400.--).

Il Cussagl cumünal decida da na pudair comprar ingün purtret.

Purtret courins

### **81. Dumonda per d'vantar "Cità d'energia"**

Cità d'energia

Il capo orientescha al Cussagl cumünal sur dal label "Energistadt". Davo l'eventuala commembranza pro l'organisaziun portadra (fr. 500.-- l'on), vain scleri che per masüras chi's ha da trar per survgnir il label. Tscherts puncts sun fingià realisats o sun sün via per gnir realisats. Infuormaziuns as chatta suot la pagina d'internet [www.energiestadt.ch](http://www.energiestadt.ch).

Il Cussagl cumünal decida da gnir commember e da laschar sclerir che masüras chi's ha da trar per survgnir il label "Energistadt" e che dimensiun finanzialas cha quai vess pel cumün.

### **82. Surdatta da lavur – Lavuratori cumünal Palüzot**

SL – Lavuratori

Sün racumandaziun da la cumischiun dal lavuatori cumünal decida il Cussagl cumünal da surdar las seguaintas lavurs:

1. Büro d'architectura Seraina Felix, Sent  
Onurari d'achitect (**tet da cuosts**) Fr. 56'000.-- (incl. IPV)
2. Kuster und Partner AG, Cuaira  
Fisica da fabrica Fr. 2'743.80 (incl. IPV)

### **83. Diversas schefs**

Diversas schefs

#### **1. CCC OEE**

Als 4 marz 2009 ha gnü lö a Lavin la delegiada da la CCC OEE. La cumischiun vaiva decis da nu dar ingün sustegn finanziel our da la chascha cumünai vla dals 5 % a las bavradorias da Sent. Malgrà il votum dal capo per sustegner las bavradorias da Sent, esa gnü istess decis d'inchaminar la proposta da la cumischiun.

S-chanf vaiva dumandà da pudair tgnair l'import ch'els mettan aint illa chascha dals 5 % ed investir direct aint in progets culturals in lur regiun. Per na periclitare l'idea e la mera da quella chascha ha la delegada refusà quella proposta.

In basa a la liberalisaziun dal marchà da forza ed üna studia dal büro Brüngier & Co. AG ha la suprastanza dal CCC OEE survgni l'incumbensa da cuntinuar ad elavurar ün concept per unir las raits eletricas da tuot ils cumüns e tilla surdar ad üna organisaziun professiunala per tillas manar (ev. EE-Engiadina).

### **84. Varia**

Varia

#### **1. Protocols sülla pagina d'internet**

Sar Erich Schweizer dumonda schi nu füss pussibel da publicar ils protocols dal Cussagl cumünal sülla pagina d'internet. Il Cussagl cumünal decida da publicar ils protocols (egual sco quels da las chaistas nairas) sülla pagina d'internet dal Cumün da Sent.

#### **2. Organigram operativ e strategic**

Il Cussagl cumünal repassa l'organigram strategic ed operativ dal Cumün da Sent. Davo alch adattaments vain quel fat bun.

#### **3. Mas-chalch alternativ**

Il Cussagl cumünal piglia a cogniziun la cumparsa dal "Mas-chalch alternativ" da sar Cla Sarott.